



Broj/Broj: 01/6-50-1-6-26/06
Sarajevo/Sarajevo: 06.07.2006.godine

Z A P I S N I K
26. sjednice Komisije za promet i komunikacije,
održane 06.07.2006. godine

Sjednica je održana 06.07.2006., s početkom u 16,00 sati.

Sjednici su prisustvovali članovi Komisije:

- | | |
|-----------------------------------|---------------------|
| 1. Miloš Jovanović, predsjedatelj | 6. Milorad Živković |
| 2. Ivo Lozančić | 7. Selim Bešlagić |
| 3. Ruža Sopta | |
| 4. Adem Huskić | |
| 5. Izet Hadžić | |

Sjednici nisu prisustvovali: Nenad Mišić i Muhamed Moranjkić.

U ime Vijeća ministara BiH sjednici su prisustvovali Nikola Šego i Zdravko Šavija. Sjednicu su pratili Maja Ribar i Jelena Sesar, predstavnici OHR-a i Simone Ginzburg, predstavnik Projekta reorganizacije sudova za prekršaje Visokog sudbenog i tužiteljskog vijeća BiH. Sjednici je prisustvovao i privremeni tajnik Komisije Ahmed Jalovičić.

Predsjedatelj Miloš Jovanović predložio je sljedeći

D N E V N I R E D

1. Verificiranje Zapisnika 25. sjednice, održane 06.03.2006.godine,
2. Prijedlog zakona o Agenciji za informaciono društvo Bosne i Hercegovine, predlagač Vijeće ministara BiH,(na 74. sjednici Zastupničkog doma usvojen je zaključak da se Izvješće o Zakonu vrati Komisiji na dopunu i da Komisija podnese Domu novo izvješće)
3. Prijedlog zakona o izmjenama i dopunama Zakona o osnovama sigurnosti prometa na cestama u BiH, predlagači zastupnici Selim Bešlagić, Mirsad Ćeman i Beriz Belkić,
4. Informacija i zaključci sa Javne rasprave o Projektu "Autoput na koridoru 5C",
5. Ostala pitanja.

Dnevni red jednoglasno je prihvaćen.

Ad. 1.

Na prijedlog Zapisnika nije bilo primjedbi, pa je Komisija jednoglasno verificirala Zapisnik 25. sjednice održane 06.03.2006.godine.

Ad.2

Predsjedatelj je podsjetio prisutne da je Prijedlog zakona o Agenciji za informaciono društvo Bosne i Hercegovine duže od godinu dana u proceduri, jer su Vijeće ministara BiH i Ministarstvo komunikacija i prometa svojom neaktivnošću doprinijeli nejasnoćama i dilemama vezanim za Prijedlog zakona, te da je na 74. sjednici Zastupničkog doma usvojen zaključak da se izvješće na Prijedlog zakona vrati Komisiji i da Komisija sačini novo izvješće. Ukazao je na činjenicu da je 28.02.2006.godine održan sastanak u kabinetu predsjedatelja Vijeća ministara, kada je predstavnicima Komisije obećano da će Vijeće dostaviti mišljenje o amandanima, ali je tek osmoga srpnja dostavljena obavijest Vijeća ministara BiH da su razmatrali amandman na članak 28. Prijedloga zakona, kojim je predloženo da se pomenuti članak briše, te da je Vijeće ministara BiH zaključilo da ostaje pri Prijedlogu zakona koji je ranije dostavljen Parlamentarnoj skupštini. Nakon toga, Komisija je jednoglasno podržala principe Prijedloga zakona o Agenciji za informaciono društvo Bosne i Hercegovine.

Predsjedatelj je istakao da su na predloženi zakon amandmane uložili zastupnici: Momčilo Novaković, Adem Huskić i Miloš Jovanović, te otvorio raspravu o amandmanima, kako slijedi:

AMANDMAN I. (MILOŠ JOVANOVIĆ)

U stavku (1) članka 3. iza riječi: "Agencija je" briše se riječ "samostalna", a iza riječi "organizacija" dodaju se riječi: "u sastavu Ministarstva komunikacija i prometa", dok ostali tekst ostaje isti.

Amandman nije usvojen.

AMANDMAN II. (ADEM HUSKIĆ)

U članku 3. u stavku (3) riječi:

"Ministarstvo komunikacija i prometa Bosne i Hercegovine" zamjenjuje se riječima: "Ministarstvo civilnih poslova Bosne i Hercegovine".

Amandman nije usvojen.

AMANDMAN III. (MILOŠ JOVANOVIĆ)

Iza članka 3. dodaje se novi članak 3.a), koji glasi:

"Sjedište Agencije je u Banjoj Luci."

Amandman nije usvojen.

AMANDMAN IV. (MILOŠ JOVANOVIĆ)

U stavku (1) članka 8. iza riječi "uprave, " dodaju se riječi: "upravnim organizacijama, ", a tekst u nastavku rečenice ostaje isti.

Amandman je jednoglasno usvojen.

AMANDMAN V. (MILOŠ JOVANOVIĆ)

U stavku (1) članka 8. brišu se točke j) i l).

Amandman nije usvojen.

AMANDMAN VI. (MILOŠ JOVANOVIĆ)

U stavku (6) članka 8., na početku prve rečenice, iza riječi "Agencija" brišu se riječi: "na zahtjev nadležnih ministarstava".

U istome stavku (6) članka 8. briše se druga rečenica u cijelosti.

Amandman nije usvojen.

AMANDMAN VII. (MILOŠ JOVANOVIĆ)

U stavku (7) članka 8. riječ "produkcije" zamjenjuje se riječju "izradbe", a iza riječi «personalizacije» stavlja se točka i briše tekst: „i distribucije, i to:“, kao i točke od a) do p) u cijelosti.

Amandman je jednoglasno usvojen.

AMANDMAN VIII. (MILOŠ JOVANOVIĆ)

U stavku (1) članka 9. briše se posljednja rečenica u cijelosti, a ostali tekst ostaje isti.

Amandman je jednoglasno usvojen.

AMANDMAN IX. (MOMČILO NOVAKOVIĆ)

U stavku (2) članka 12. ispred riječi "Ministarstva" dodaju se riječi: "Vijeća Agencije i", a ostali tekst ostaje isti.

Amandman je jednoglasno usvojen.

AMANDMAN X. (MOMČILO NOVAKOVIĆ)

Iza članka 12. dodaje se novi članak 12.a), koji glasi:

"(1) Agencija ima Vijeće, koje vodi Agenciju u pogledu strateških pitanja provedbe zakona, te obavlja savjetovanja s ravnateljem i prima od njega izvješća. Vijeće Agencije usvaja kodeks rada Agencije. Osim toga, Vijeće Agencije ima funkciju apelacijskog tijela za odluke koje donosi ravnatelj.

(2) Vijeće Agencije sastoji se od sedam članova koji se imenuju na temelju svojih osobnih sposobnosti kao pojedinci koji imaju pravnogospodarsko, tehničko ili drugo relevantno iskustvo i stručnjaci su u području IKT. Vijeće Agencije čine po dva člana iz konstitutivnih naroda i jedan član iz reda ostalih.

- (3) Članovi Vijeća Agencije imenuju se na razdoblje od četiri godine i mogu biti ponovno imenovani samo na još jedan mandat. Članovi Vijeća Agencije biraju predsjedatelja iz svojih redova. Vijeće Agencije sastaje se najmanje četiri puta godišnje.
- (4) Ravnatelj Agencije, njegov zamjenik i predsjednik Vijeća Agencije moraju biti iz različitih konstitutivnih naroda.
- (5) Ravnatelj Agencije podnosi izvješće Vijeću Agencije o strateškim pitanjima rada u Agenciji. Ravnatelj Agencije nazoči svim sastancima Vijeća Agencije, bez prava glasa.
- (6) Članove Vijeća Agencije imenuje Parlamentarna skupština BiH na prijedlog Vijeća ministara BiH, na temelju kandidacijske liste koju je nakon provedene procedure javnog natječaja utvrdilo Ministarstvo, koja će sadržavati dvostruko više kandidata od raspoloživih mjesta.
- (7) Parlamentarna skupština BiH prihvaća ili odbacuje predložene kandidate u roku od 30 dana nakon podnošenja prijedloga. Ukoliko Parlamentarna skupština BiH odbaci prijedlog, Vijeće ministara BiH predlaže drugorangiranu osobu s kandidacijske liste, koju je utvrdilo Ministarstvo, i taj prijedlog podnosi Parlamentarnoj skupštini Bosne i Hercegovine.
- (8) Dužnosnici na zakonodavnim ili izvršnim dužnostima na svakoj razini vlasti ili članovi tijela političkih stranaka ne mogu se kandidirati za članstvo u Vijeću Agencije.
- (9) Članovi Vijeća Agencije moraju prijaviti svaki interes koji imaju u djelokrugu Agencije i izuzimaju se u slučajevima koji predstavljaju sukob interesa."

Amandman je jednoglasno usvojen.

AMANDMAN XI. (MILOŠ JOVANOVIĆ)

U točki b) članka 16. riječi: "razvoja informacijskog društva;" zamjenjuju se kraticom "IKT;".
U točki c) članka 16. iza riječi "poslovima" stavlja se točka a ostali tekst iz ove točke briše se.

Amandman je jednoglasno usvojen.

AMANDMAN XII. (MOMČILO NOVAKOVIĆ)

U toč. c) i d) članka 18. ispred riječi „Ministarstva“ dodaju se riječi: „Vijeća Agencije i“, a ostali tekst ostaje isti.
U točki g) članka 18. briše se točka i dodaju riječi: „ Vijeća Agencije i Ministarstva.“

Amandman je jednoglasno usvojen.

AMANDMAN XIII. (MILOŠ JOVANOVIĆ)

U članku 24. mijenja se naslov i glasi:

„(Eksterna ocjena rada Agencije)“.

U stavku (1) članka 24. iza riječi „Agencija“ riječi „dužni su:“ zamjenjuju se riječima „će radi osiguranja kvalitete rada Agencije postupati kako slijedi:“.

U točki a) stavka (1) članka 24. riječi: „bez odgode“ zamjenjuju se riječju „pravodobno“, a ostali tekst ostaje isti.

Amandman je jednoglasno usvojen.

AMANDMAN XIV. (MOMČILO NOVAKOVIĆ)

U stavku (1) članka 25. ispred riječi „nevladinih organizacija“ dodaju se riječi „entitetskih i institucija Brčko Distrikta,“ a ostali tekst ostaje isti.

Amandman je jednoglasno usvojen.

AMANDMAN XV. (MOMČILO NOVAKOVIĆ)

Stavak (2) članka 26. briše se.

Amandman je jednoglasno usvojen.

AMANDMAN XVI. (MOMČILO NOVAKOVIĆ)

U stavku (2) članka 27. ispred riječi „Ministarstva“ dodaju se riječi: „Vijeća Agencije i“, a ostali tekst ostaje isti.

Amandman je jednoglasno usvojen.

AMANDMAN 17. (MOMČILO NOVAKOVIĆ)

Član 28. se briše.

Amandman nije usvojen.

Nakon usvajanja navedenih amandmana ,Komisija je :

1.većinom glasova prihvatila tekst Prijedloga zakona o Agenciji za informaciono društvo Bosne i Hercegovine s usvojenim amandmanima,

2. konstatirala da je predloženi Zakon neophodno donijeti, te predlaže Zastupničkom domu Parlamentarne skupštine BiH njegovo usvajanje.

Na osnovu člana 89. Poslovnika, Komisija je za izvjestitelja odredila predsjedatelja Komisije Miloša Jovanovića.

Ad. 3

Milorad Živković smatra da Komisija treba da se odredi prema mogućnosti stopiranja primjene Zakona o osnovama sigurnosti saobraćaja na cestama u BiH i da Zakon stupi na snagu od 01.01.2007.godine.

Na traženje predsjedatelja da iznese stav o navedenom, Nikola Šego je istakao da su formirane radne grupe za izradu pravilnika i da je rok za njihovo donošenje godina dana od dana objave Zakona, a u roku od šest mjeseci treba da se usklade propisi na nižim nivoima sa Zakonom, pa nema potrebe da se odgađa primjena Zakona.

Adem Huskić je istakao da razumije stav gospodina Živkovića, ali je mišljenja da zaključak o odgađanju primjene Zakona treba da donese Zastupnički dom.

Milorad Živković je ukazao na činjenicu da je Zakon obiman i komplikovan, da su podzakonski akti ti koji određuju sam vid Zakona, te podsjetio da Komisiji nisu dostavljeni pravilnici, pa je potrebno donijeti odluku o primjeni Zakona od 01.01.2007.godine.

Predsjedatelj je naglasio da suština izmjena i dopuna ovog prijedloga Zakona jesu kazne i podsjetio da su prilikom rada na usaglašavanju Zakona o osnovama sigurnosti saobraćaja na cestama u BiH predstavnici Zastupničkog doma napravili ustupak radi usvajanja Zakona i prihvatili amandmane Doma naroda koji predviđaju blaže kazne.

Selim Bešliagić je istakao da je u razgovorima sa sucima za prekršaje upoznat da zbog propisanih novčanih kazni Zakon gubi na snazi, naročito zbog pojedinaca koji učestalo krše propise, pa smatra da je potrebno pooštriti kazne.

Simone Ginzburg je ukazao na činjenicu da je cilj radne grupe čiji je član, jeste usklađivanje zakona na nivou BiH sa entitetskim zakonima o prekršajima, pa je u tom smislu i prijedlog njihovih amandmana na Zakona o osnovama sigurnosti saobraćaja na cestama u BiH. Smatra da je bitno da ukoliko vozač ima neplaćenu novčanu kaznu ne može registrovati vozilo i produžiti vozačku dozvolu, kao i da treba omogućiti primjenu instituta sudskog naloga, te predlaže da radi ubrzanja procedure, neko od poslanika preuzme ove amandmane.

Ruža Sopta smatra da bi trebalo prolongirati primjenu Zakona, jer bi došli u situaciju da je Zakon na snazi, ali se ne može provoditi.

Na upit predsjedavajućeg da li su u Ministarstvu razmatrali mogućnost odgode primjena Zakona, Šego je odgovorio da nema potrebe odgađati primjenu Zakona, te napomenuo da do donošenja novih pravilnika važe stari pravilnici.

Milorad Živković je ukazao na činjenicu da nije ispoštovan dogovor da se Komisiji dostave pravilnici, te da će podnijeti Prijedlog zakona kojim se mijenja član 256. i da Zakon stupa na snagu sa danom donošenja pravilnika.

Izet Hadžić smatra da se samo pojedini pravilnici trebaju dostaviti Komisiji i da se ne slaže sa povećanjem kazni, jer bi prethodno trebalo analizirati važeće prekršaje, kao i rad sudova.

Selim Bešliagić je istakao da zbog svega navedenog, predlaže da se za Prijedlog zakon čiji je on predlagač, zatraži od Kolegija produženja roka komisijske faze od petnaest dana, što je Komisija jednoglasno prihvatila.

Predsjedavajući je zaključio raspravu o ovoj tački dnevnog reda, te predložio usvajanje sljedećih zaključaka:

1. Traži se od Vijeća ministara BiH da dostavi Komisiji mišljenje da li je potrebno odgoditi primjenu Zakona o osnovama sigurnosti prometa na cestama u BiH, odnosno li se Zakon može primjenjivati bez poteškoća s obzirom na obaveze iz člana 252. i 255. Zakona o osnovama sigurnosti prometa na cestama u BiH.

2. Traži se od Vijeća ministara BiH da dostavi Komisiji mišljenje o Prijedlogu zakona o izmjenama i dopunama Zakona o osnovama sigurnosti prometa na cestama u BiH, predlagači zastupnici Selim Bešliagić, Mirsad Ćeman i Beriz Belkić, kao i o prijedlozima amandmana na Zakon o osnovama sigurnosti saobraćaja na cestama u BiH, koje je Komisiji uputilo Ministarstvo pravde BiH.

Komisija je jednoglasno usvojila navedene zaključke.

Ad. 4

Predsjedatelj je ukazao na činjenicu da je u periodu od održavanja Javne rasprave bilo aktivnosti oko Projekta Koridora 5c, pa bi bilo korisno da predstavnik Ministarstva informiše Komisiju o

učinjenom , te zadužio privremenog tajnika Komisije da pripremi prijedlog zaključaka sa Javne rasprave za sljedeću sjednicu.

Nikola Šego je upoznao prisutne da su idejni projekti završeni, da će fizibiliti studija biti gotova 26.-og srpnja, da je raspisan je Javni poziv za izražavanje interesa, u toku su aktivnosti na izradi Prijedloga zakona o cestama i ovim se Prijedlogom predvđa institucija koja bi vodila aktivnosti oko izgradnje Koridora 5c. Obzirom da je prostorno planiranje i građenje u nadležnosti entiteta , mišljenja je da bi bilo korisno da Ministarstvo civilnih poslova BiH koordinira aktivnosti na realizaciji urbanističke i građevinske dozvole za Koridor 5c.

Ad. 5

Milorad Živković je predložio da se se uputi dopis Vijeću ministara BiH da u roku od sedam dana dostavi mišljenje u vezi zahtjeva za autentično tumačenje člana 23. Zakona o Javnom radiotelevizijskom sustavu, kako bi na sljedećoj sjednici Komisije mogla utvrditi Prijedlog autentičnog tumačenja .Komisija je jednoglasno prihvatila prijedlog.

Na prijedlog Izeta Hadžića, Komisija je usvojila sljedeće zaključke:

- 1.Traži se od Vijeća ministra BiH informacija o dosadašnjim aktivnostima vezanim za Jadransko-jonsku cestu, kao i planiranima aktivnostima za tekuću godinu.
2. Traži se od Vijeća ministra BiH informacija o dosadašnjim aktivnostima vezanim za most kopno-Pelješac, kao i planiranim aktivnostima za tekuću godinu.

Sjednica Komisije završena je u 17,55sati.

PRIVREMENI TAJNIK KOMISIJE
Ahmed Jalović

PREDSJEDATELJ KOMISIJE
Miloš Jovanović